

քին մի մի 'ի նոցանէ առանձին ըստ կարծեաց իւրեանց մոծին աղանդս, և 'ի սոցանէ եղեն սուտ քրիստոսք, մարդարէք և առաքեալք. զի բաժանեցին զհաւասարութիւն եկեղեցւոյ բանիւք ապականութեան զոր խօսեցան 'ի վերայ Աստուծոյ և 'ի վերայ Օծելոյ նորա: Արդ՝ յետ 'Ներոնի՝ յարոյց երկրորդ հալածանս կայսրն Դոմէտիանոս՝ կրտսեր եղբայր և սլայազատ Տիտոսի (95): Առ սովառ առան ինչք քրիստոնէից, բազումք աքսորեցան յայլ և այլ տեղիս, արտասահմանեցաւ 'ի Պաղմոս կղզի Ս. Յովնաննէս աւետարանիչ, միայն մնացեալն յԱռաքելոց: Ապա ինքնին գրգռեցաւ 'ի վերայ երբայական աղբին, և հրաման ետ կոտորել զսերունդս Դաւթի, զի մի ոք մնացէ սլայազատ թագաւորութեանն Հրէից: Իսկ սուրբն Շմաւոն թէպէտ և երեւելի էր յայնմ ցեղի, այլ վասն ծերութեան և պատուական ալեացն ոչ արարին փոյթ զնմանէ խնդրակք կայսեր, այլ կալան զերկուս եղբորորդիս Շմաւոնի, որք էին որդիք կամ թոռունք առաքելոյն Յուդայ, և տարեալ կացուցին առաջի Դոմէտիանոսի, և 'ի լինել հարցափորձի անգոսնեցան իրրեւ արք տառապեալք:

Ի թագաւորել Տրայիանոսի նորոգեցաւ հալածումն եկեղեցւոյ, և և վերստին յոյզ և խնդիր եղեւ աղքատոհմն Դաւթի: Մատնեցաւ ծերունին Շմաւոն 'ի Հեթանոսաց և 'ի Հրէից աղանդաւորաց ժամանակին յատեան Ատտիկոսի կայսերական Հիւպատին, փոխանակի բղեշխին Ասորոց նստեալ յերուսաղէմ, և մատուցեալ զնա դատաւորին 'ի տանջանս ստիպէր ուրանալ զՔրիստոս, իսկ նա համարձակ քարոզէր զնա, արկաւ 'ի բանտ տանջեալ 'ի սով և 'ի ծարաւ:

Իրրեւ կամեցաւ արձակել զնա Հիւպատոսն, ոտխք նորա պնդադոյնս սկսան չարախօսել զնմանէ, և աղաղակէին տալ զնա 'ի մահ խաչի. վասն որոյ հրաման ետ իշխանն, զի ըստ օրինակի առաջնորդին իւրոյ 'ի խաչ բեւեռեցի: Եւ այնպէս կատարեցաւ ծերունին Շմաւոն 'ի տանջանս Խաչին յերուսաղէմ քաղաքի 'ի հասակի իրր 120 ամաց, յետ 45 ամեայ եպիսկոպոսութեանն (108). և պատուական մարմին նորա ամփոփեցաւ 'ի հաւատացելոց, որոյ տեղին է այժմ անյայտ: Վարժ Սրբոց Հոս. Ա. 329: